

ԱՄԱՆՈՐՅԱ ԵՎ ՍՈՒՐԲ ԾՆՆԴՅԱՆ ՀԱՆԴԵՍՆԵՐ՝ ՎԵՀԱՓԱՌ ՀԱՅՐԱՊԵՏԻ ՀՈՎԱՆԱՎՈՐՈՒԹՅԱՄԲ

Ամանորի և Սուրբ Ծննդյան հանդիսություններն այս տարի առավել մեծ շուք ու փառ էին ստացել: Երևանի Հայֆիլիարմոնիայի մեծ դահլիճում չէին մարում տոնածառի լույսերը, չէին լուում մանկական երգն ու ծիծաղը:

Այս տարի ՀՀ մշակույթի, երիտասարդության հարցերի ու սպորտի նախարարության և Հայպետֆիլիարմոնիայի նախաձեռնությամբ, ինչպես նաև Նորին Սուրբ Օծություն Տ.Տ. Գարեգին Ա Ամենայն Հայոց Կաթողիկոսի օրհնությամբ և հովանավորությամբ հունվարի 3-13-ը «Արամ Խաչատրյան» համերգա-սրահում ընթացան Ամանորի և Սուրբ Ծննդյան ուրախ և զվարճալի տոնական հանդեսները: Երեխաներին իրենց հրաշալի երգով ու պարով զվարճացրեցին հենց իրենց՝ երեխաները՝ փոքրիկ երգիչներն ու պարողները: Ծարունակ փոփոխվող համերգային ծրագրերին մասնակցում էին երեսուցից ավելի մանկական խմբեր, յուրաքանչյուր հանդեսին՝ 5-8 խումբ: Իհարկե, հանդեսի մշտական հյուրերն էին նաև Ձմեռ Պապն ու Ձյունամուշը, մանուկների սիրելի հեքիաթների հերոսները, այնքան ծիծաղաշարժ ծաղրածուները: Տոնական հանդեսներին իրենց գեղեցիկ կատարումներով մասնակցում էին նաև Մայր Աթոռ Սուրբ Էջմիածնին կից գործող կիրակնօրյա վարժարանների շնորհալի սաները:

Այդ օրերին ավելի քան 25.000 երեխա հնարավորություն ունեցավ ներկա գտնվել իրենց իսկ հասակակիցների (30 մանկական խմբերի և անհատ կատարողների) պատրաստած համերգային ծրագրերին, ինչպես նաև ստացավ Ձմեռ Պապի կամ, ավելի ճիշտ՝ Սուրբ Նիկողայոսի նվերները:

Հունվարի 8-ին կայացած հերթական տոնական հանդեսին ներկա էին նաև Մայր Աթոռ Սուրբ Էջմիածնի միաբանները՝ Ն.Ս.Օ.Տ.Տ. Գարեգին Ա Ամենայն Հայոց Հայրապետի գլխավորությամբ: Փոքրիկներին այնքան սիրող Հայոց Հայրապետը մեծ հաճույքով և ուրախությամբ դիտեց մանկական գեղեցիկ կատարումները, երեխաների հետ մեկտեղ ուրախ ծափող չուլիկներով դիմավորեց «Արծաթե բանալի», «Վաղորդյան կաթիլներ», «Արևիկ», ինչպես նաև Մայր Աթոռ Սուրբ Էջմիածնի Քրիստոնեական Դաստիարակության և Քարոզչության կենտրոնի ազգագրական պարերի ու ջութակահարների խմբերի և անհատ կատարողների ելույթները:

Ամանորի և Ս. Ծննդյան ուրախ ու տոնական հանդեսի վերջում Ամենայն Հայոց Վեհափառ Հայրապետը շնորհավորեց երեխաների Նոր տարին և Սուրբ Ծնունդը, ապա իր հայրական օրհնանքի ու քարեմատյանքի խոսքով պատգամեց ծաղկեցնել հայ մշակույթը, վերակենդանացնել եկեղեցական ու ազգային ավանդույթները.

«Սիրելի երեխաներ,

Դուք չեք կարող երևակայել, թե ես որքան ուրախ եմ այս պահին: Դիտե՛ք, ինչու եմ ուրախ: Ուրախ եմ, որովհետև դուք եք ուրախ: Ձեր ուրախությունը իմ ուրախությունն է, քանզի դուք մեր ազգի ծլարձակող

այն նոր սերունդն էք, որի աչքերի, խոսքերի, գործերի միջից տեսնում եմ մեր Հայրենիքի ապագան: Ապրե՛ք, երեխաներ, և հազա՛ր ապրեք: Իմ ասելիքը այսօր հետևյալն է:

Ես այս սրահը բազմաթիվ անգամներ եմ եղել, սակայն այս օրը ինձ համար առանձնահատուկ է: Այսօրվա սրահը ասես առանձնանում է մյուս անգամներից, քանզի այսօր դուք եք ծաղկեցնողը այն՝ ձեր ասմունքներով, երգերով, պարերով, նվագով:

Մենք այս օրերին տոնելու ենք Հիսուսի Սուրբ Ծննդյան և Աստվածահայտնության մեծաշուք տոներ: Հետևաբար, մենք պետք է մեր ազգի ավանդությունները, շարականները, հոգևոր երգերը վերակենդանացնենք: Եվ դուք, երեխաներ, դո՛ւք է, որ դրանք պետք է ապրեցնեք:

Ամեն մի ազգ իր ավանդություններն ունի: Դուք այստեղ ներկայացրեցիք նաև այլ ազգերի պարերը և երգերը: Բնականաբար, մենք աշխարհում ենք ապրում, և ուրիշ ազգերի ավանդությունները հարգում ենք: Բայց մենք մե՛րը պետք է ծաղկեցնենք և ապրեցնենք, որպեսզի օտարներն էլ տեսնեն, թե հայը ի՜նչ ունի:

Այսուհետև, երեխանե՛ր, երեք չասեք շնորհավոր Սուրբ Ծնունդ և Ամանոր, այլ ասացե՛ք՝ շնորհավոր Ամանոր և Սուրբ Ծնունդ: Մենք սիրում ենք օտար ազգերին իրենց երկրներում, իրենց ավանդությունների մեջ: Սակայն մենք Սուրբ Ծնունդը տոնում ենք Հունվարի 6-ին: Հետևաբար, սխալ է նախ Ս. Ծնունդը շնորհավորել, ապա Ամանորը:

Հիսուս շատ էր սիրում երեխաներին, և երբ մեծերը արգելում էին երեխաներին, որ իրեն մոտենան, նա հանդիմանում էր այդ մեծերին և ասում՝ «Թույլ տվեք մանուկներին գան ինձ մոտ» (Մարկ Ժ 14):

Պետք է ասեմ նաև, որ ես այսօր իմ բարձրագույն աստիճանի գնահատանքն եմ հայտնում մեր Հայաստանի Հանրապետության մշակույթի նախարարությանը և անձնապես նախարարին, որ այս գաղափարը հղացավ: Ծնորհակալություններ նաև նախարարի օգնականներին, Քրիստոնեական Դաստիարակության Կենտրոնին և այն բոլոր կազմակերպություններին ու անձերին, որոնք իրենց մասնակցությունը ունեցան այս առիթով:

Թող Աստված զորացնի ձեզ, ամրացնի մեր Հանրապետությունը և ծաղկեցնի մեր մշակույթը. ամենք:

Ասեմք, որ Տոնակամ ծրագիրը Ռուսլարի 10-ից շարունակվեց մաս աղետի գոտում՝ Գյումրիում, Աշոցքում, Արթիկում, Ախուրյանում, Ամասիայում, Ամիում՝ ամամոռյա ուրախությունները կիսելով տեղաբնակ երեխաների հետ, նրանց ևս (շուրջ 2.000 երեխաների) հաճեցելով փոքրիկ աղոթագրքեր և նվերներ: